

名譽主編・季羨林

中國少數民族古籍集成 (漢文版)

四川民族出版社

名譽主編・季羨林

主編・徐麗華

中國少數民族古籍集成

(漢文版)

《第四十冊》

四川民族出版社

本冊目錄

吉林通志

(接上冊)

〇〇一

中國少數民族古籍集成(漢文版)

目錄

〇〇一

田戶以六分之一用八年八月從遼東按察使楊雲翼言以咸平東京兩路商旅所集遂從都南例一貫以上皆用交鈔不得用錢

吉林通志卷四十一

經制志六 礦廠

會城東南木齊河 咸豐四年奏請開採其奏請封禁年月舊案無存

會城東歲沙河 流民私開同治七年奏請封禁

三姓城東南樺樹林子

夾皮溝

太平溝

蜂蜜山 以上四處光緒四年奏請試辦其奏請封禁年月舊案無存

三姓城東南太平溝

樺皮溝

南淺毛溝 以上三處光緒十六年奏請試辦八月十七日奏請封禁以上金礦

咸豐四年閏七月初九日將軍景濱奏竊咸豐三年

戶部咨令各直省遇有金銀礦場即行開採納課等

因 臣 履任以來適有商民劉芳圃等以登潭卡倫所

屬之木齊河一帶產有金砂呈請採辦 臣 遂派員勘

得木齊河在封禁山場之外與風水地脈無礙臨江

一帶露有金苗似堪開採 臣 隨給商民劉芳圃等執

照仍令原派之員督同採辦旋據稟稱目下招人試

採逐日所得金砂僅數人夫工食無甚贏餘訊據劉

芳圃等聲言現採之地其苗不旺是以未能多得若

採至旺處必可交官納課等語^臣剗飭該委員等認真試看如往後金苗果旺可以於公私有益卽定章程奏請開採納課儻仍止敷衍日用卽行停止封閉奉

硃批知道了欽此

同治七年二月二十五日將軍富明阿奏爲酌擬葺沙河等處金場明定派員分季輪查章程永奠邊疆而肅山場事竊照葺沙河等處金場屢經

奏奉

諭旨派員安插遣散金夫不致流而爲匪當經派協領那斯

吉林通志卷四十一

二

洪阿富爾丹帶兵前往安插遣散查辦完竣復經前署任副都統富爾孫親往覆查委無偷挖情弊所有金夫除遣散驅逐外其餘概歸樺皮甸子等處務農安業伏查葺沙河金場南與輝發河毘連而輝發一帶向爲奉天盜賊之藪儻查察稍鬆難免奸民濫入復起偷挖肇衅之漸是以上年冬月間遴派原辦花翎協領富爾丹等帶兵百名前往葺沙河一帶巡查尙無潛入偷挖人犯獲得馬匪四名焚燒偷搭窩棚數處現乘春初河冰未化之先仍派該協領富爾丹等帶兵往復周歷嚴查旋據稟報葺沙河一帶老金

場委無奸民濫入偷挖等語前來^臣等覆覈雖屬無

異然慮老金場一帶地方遼闊山路旣多崎嶇林麓

更屬稠密加以崇巖陡澗夏秋之際人馬不能深入

難免不無偷挖情事查此偷山人犯口糧必須冬令

乘江水凝結挽運若嚴定稽查章程阻其偷越諒不

待驅而自息矣^臣等擬定每年以春冬爲率卽派原

辦安插金場之協領那斯洪阿花翎協領富爾丹二

員輪流帶兵巡查一次有匪必獲有棚必焚並嚴禁

米麵以杜偷運之弊以專責成而奠疆域統俟一二

年後山場經久肅清再行奏明停往再甯古塔副都

吉林通志卷四十一

三

統烏勒興阿今正因公進省^臣面詢甯古塔屬驅逐

各金場事宜據該副都統聲稱現已派員帶兵將一

概金夫驅逐淨盡不致復聚等語^臣卽擬責令該副

都統仿照省會明定巡查金場章程分春夏兩季遴

派妥員帶兵實力稽查禁止販運米麵以歸畫一而

肅山場奉

旨葺沙河一帶金場仍著該將軍等飭令派出各員嚴密挖

查毋任奸民濫入偷挖欽此

光緒十六年三月二十九日將軍長順奏爲查明三

姓地方產金擬請派員試行開採以濬利源事竊維

五金礦產爲天地自然之利果能採取如法經理得宜裕國足民悉基於此吉林金礦如省南木其河夾皮溝及甯古塔所屬之萬鹿溝等處從前聚集數千人偷挖自封禁後往往潛赴三姓山內搭蓋窩棚採取木耳名爲榮營實則乘間盜挖金砂拏獲盡法懲辦並派隊遂散棚民而顧愚無知趨利如鶩驅去復來羣傳吉林通省以三姓礦苗最佳如樺皮楸皮各溝及南淺毛楊木岡並黑背等處均有金匪私挖舊跡且其處地脈堅凝山嶺重疊砂色渥丹引苗時見洩露查光緒十四年十一月間翰林院侍講崔國因

吉林通志卷四十一

四

條奏東三省情形其論金礦一條謂與其使鄰國垂涎而起侵佔之虞曷若由本國開採以裕兵餉之源洵屬切中時弊當時會奉

諭旨會同定妥酌覈妥議臣以到任未久地利輿屢絕無把握未敢率爾覆陳今則博採輿論勘驗形跡按以邊地時勢而知開礦之舉實難置爲緩圖所慮款項支絀工本無資再四籌思惟有先行試辦一法從來談礦務者每於官辦商辦民辦迄無定論前經部議有商理其事官總其成兩言至當不易而試辦之法尙未足以語此祇能化私爲官而已金夫首領俗謂

把頭每一把頭作一股每股俗謂一枝幫其下有幾盤溜一溜不過用二三十人今擬按溝派把頭一名管領幾枝每枝再派幫管領一二十人分作一二十溜其人卽就近挑諸榮營免致驅逐後流而爲匪按照人數編冊稽查所有器具食糧油柴均由各把頭自行備辦無待官爲籌款卽委員司事人役薪工亦俟出金抽釐積有成數再行定章開支現已派員前往查勘情形一面咨會三姓副都統就近督同勘辦十六年六月二十一日將軍長順奏爲續報委員勘明三姓金礦地方並暫時試挖得金緣由竊照三姓

吉林通志卷四十一

五

地方前經臣訪聞該處山內貧民搭蓋窩棚採取木耳名爲榮營實則乘間並挖金砂驅去復來一時難以斷絕當於本年三月三十日奏請化私爲官以涪利源奉

旨該衙門議奏欽此欽遵在案當臣出奏後旋接委員等稟稱金溝在三姓東南一隅距城約三百里溝名有南淺毛老淺毛樺皮太平之分周圍幾及二百里地勢如上字形南淺毛溝長十五六里已掘有二十餘條水道老淺毛溝在南淺毛之北長約十里與長五六里之樺皮溝相接均有五六條水道此三溝之東

越老爺嶺下爲太平溝南北長百餘里計水道五六
十條各水道或深二三尺及七八尺不等樺皮一溝
兼大方坎各溝被挖之處蜜如蜂房幾無隙地蓋金
匪之忽聚忽散恣行偷挖者已數十年於茲矣金色
以南淺毛樺皮兩溝爲最產金之處多在山陰凡山
之陽雖見金綫亦甚稀少惟山深林密頭頭是道金
匪最易藏蹤官至則散而爲樵官去則聚而偷探查
各溝附近築營窩棚及無業流民約計不下千餘人
逐之必至流而爲匪不遂又無以使其不挖計惟有
化私爲官之法予限數月暫行試採數月以後則此

吉林通志卷四十一

六

項流民是否可用地利能否久興均有把握所定章
程亦可因利制宜不致徒勞而鮮獲並聲明楸皮一
溝及黑背等處應俟勘明統行詳細繪圖貼說呈送
等情_臣查所稟係屬實在情形不得不稍事變通且
事已奏明勘辦當經批准予限兩箇月暫行試採嗣
復據委員等稟稱各溝產金衰旺不一旺者綫脈幾
厚至三尺寬二三尺不等衰者亦厚尺餘然金夫有
初挖而卽得金者有淘沙至十餘日而一無所獲者
蓋金綫甚細私挖之弊由來已久以致體認難眞現
在試採未有定章凡金夫之器具衣食悉令自備無

論得金多寡俱按十成從寬抽取三成歸公該_立夫
亦覺馴良可用從前各溝共有千餘今已陸續遣散
祇剩三四百人一俟散盡再將所抽課金並支銷經
費數目勾稽具報並先附解金砂壹百兩呈驗等情
前來_臣查吉林爲我

朝根本重地三姓又與俄疆毘連開礦之舉誠宜其難
其慎前奏試辦之請意在漸事擴充不欲先行鋪張
致貽一發難收之悔今閱該委員等前後所稟之詞
爲之詳加體察覺地利可興而人數不可不限此卽
因地制宜之辦法也_臣智識短淺於礦務又毫無聞

吉林通志卷四十一

七

歷未敢固執已見且該處准否開礦尙未奉准議覆
未便遽定章程惟迭據該委員等稟請變通辦理均
係前次出奏以後之事相應請

旨飭下一併覈議速覆俾得詳細擬定章程奏請

聖裁奉

硃批該部知道欽此

再三姓礦務前經_臣長順將委員勘明礦苗及予限
暫時試採情形詳細奏明奉

廷寄著李鴻章會同長順遴選幹練之員前往三姓切實
履勘議章覆奏等因欽此當經電准李鴻章飭令督辦

漠河礦務候補道李金鋪派員往勘在案茲據試採三姓金礦委員稟稱試採金礦限期屆滿所有金天散遣已盡有業者使其歸業無業者飭令回籍不准逗遛並嚴行封禁俾免進溝偷挖等情並據將所抽課金自行解交前來臣查此次採礦兩月有餘共抽金六百四十四兩八錢二分五釐除呈海軍衙門五十兩北洋大臣十兩考驗並開支經費銀一千七百六十七兩二錢六分六釐覈計用金一百二十九兩八錢二分四釐外實存金四百五十五兩零一釐以備將來開採經費除咨部查覈外謹附片具陳再此

吉林通志卷四十一

八

項開採經費委係實用實銷應請免其造報奉

硃批該衙門知道欽此

以上俱官冊

琿春城西北天寶山

光緒十七年奏請試辦銀礦今存

光緒十七年三月初九日將軍長順奏爲勘明琿春

天寶山銀礦現已派員試辦將大概情形據實密陳

事竊臣恭承

恩命辦理邊務深慮常年兵餉日久難繼每就地摩畫濬開利源庶外省多籌一分之餉卽部庫少紓一分之力自抵任後周諮博訪羣以三姓產金琿春產銀爲美譚三姓金礦前已將化私爲官暫時試辦情形詳

細奏明在案惟琿春產銀之說一時無從考證經恩澤遴派候補選縣丞程光第細加鹽勘當於南岡天寶山見有銀礦已挖成硎似係昔日流民私開因其無利而棄者取驗砂質不甚精美復於附近地方覓得礦苗鑿驗砂質較之舊硎爲優上年春間恩澤赴南岡校閱右路一軍折至該處覆加履勘覈與程光第所勘情形相符與臣往返函商隨令程光第招集商本試行開採去後茲據稟稱勘得天寶山在吉林省城東南七百餘里西接哈爾巴嶺蜿蜒二百六十里爲此山之發脈南襟古城大川北帶博爾哈通河峰

吉林通志卷四十一

九

巒秀異巖壑深藏出脈聚氣與他山迥殊自奉派後擬卽招集商股銀一萬兩未能如數先行奏足五千兩前往該處建造房屋購運糧食置備器械僱募人夫盡力開採從前流民所開舊硎係在北山穿至七尺卽因石堅停鑿至另採銀苗二枝係在南山其一枝入山綫鑿至丈餘未見槽砂其一枝立山綫計鑿八硎惟第三硎始得正脈其餘各硎雖見苗砂尙無正綫未敢深求致滋虛費現在第三硎鑿至十五丈砂綫時寬時窄寬則三尺餘窄則尺餘足供四十餘人採取月可出砂十五六萬斤初鑿之砂每千斤煉

銀質二十餘斤提銀十二兩有奇迨鑿深十九丈每
千斤煉銀質七十餘斤提銀三十一二兩以目下月
出砂數覈計提銀約可出銀四千五六百兩現在存
砂七十餘萬斤擬趁此春融廣備灰炭先設燒生砂
大爐八十座每座燒生砂三千斤用木炭燒煨三次
每月出熟砂二十四萬斤又加煉銀質大爐四十八
座每天輪流煉熟砂八千斤可出銀質五六百斤提
銀三百餘兩覈計一箇月可出銀一萬兩近時礦丁
鑪匠及雜丁夫已用一百七十一名若再設鑪煉砂
尙須添用一百數十名共三百餘名月需工食銀一

吉林通志卷四十一

十

千七八百兩月需油鐵等項五六百兩連局用薪水
每月共需經費銀二千數百兩如每月煉提銀一萬
兩尙可贏餘七千餘兩第煉提賴乎人工本屬可遲
可速而鑿取限乎地利不能予取予求且夏秋陰雨
時候地氣鬱蒸硎丁在硎未能久作勢所必至祇期
此後各硎一律開及正脈足供多人採取苗綫日增
提銀自鉅應如何酌提歸公以裕餉源覈計獎敘以
資激勵之處續俟擬定章程呈請覈辦等情並將銀
兩銀質生熟各砂呈驗前來臣查程光第勘辦銀礦
既經覓有苗綫二枝開硎九處據稱雖只一硎開及

正脈而每月出砂可提銀四千五六百兩加鑪燒煉
月可出銀萬兩是擬辦之始無虞虧賠將來各硎告
得正脈苗綫日漸增多則其利之充盈尤可想見裕
餉固邊計誠莫善於此第煉砂提銀僅恃土法恐銀
質未淨多所委棄現已派員馳赴天津購辦洋鑪並
恐程光第一人難以周顧添派候補選縣丞祿崧前往
會同辦理一面仍飭該員等作速妥擬詳細章程再
行酌覈奏請

聖裁除將送到寶銀一錠銀質一塊生熟各砂數包咨呈
海軍衙門考覈外所有派員試採彈春天寶山銀礦

吉林通志卷四十一

十一

緣由理合恭摺密陳奉

硃批該衙門議奏欽此

冊信

會城西南營盤溝

嘉慶二十年奏請開採
二十一年奏請封閉

會城正西波泥河

會城西北胡家屯

會城東北缸窑

丁家溝

以上四處嘉慶二十年奏請
開採二十三年奏請封閉

田家屯

嘉慶二十三年奏請開採
奏請封閉年月舊案無存

江東三道溝

道光元年奏請開採其奏
請封閉年月舊案無存

江西柳樹河子

光緒六年奏請開採其奏
請封閉年月舊案無存

陶家屯光緒七年奏請開採九年奏請封閉

荒山子

長嶺子以上二處光緒九年奏請開採十六年奏請封閉

江東荒山子

江西下二台

西南山坡以上三處道光元年奏請開採現存

江東鍋盔頂子

江西大葦子溝

石碑嶺

泥球溝子以上四處光緒六年奏請開採現存

吉林通志卷四十一

十三

江東大石頭頂子

亂泥溝子

半拉窩集溝

二道河子以上四處光緒七年奏請開採現存

江東後二道河子光緒七年因前審水大無煤咨部封閉奉准部覆移挪於此開採現存惟前審係何年奏請何處何名原案無存以上煤礦俱官冊

道光元年正月初六日將軍富俊奏為吉省煤窰仍

請開採以裕旗民生計事竊查吉林旗民向係砍木

炊爨嗣因生齒費繁山木愈砍愈遠挽運維艱柴價

昂貴旗民生計拮据臣前任吉林將軍時援照奉天

開採煤窰之例於嘉慶二十年奏准開採缸窰田家

屯營盤溝波泥河胡家屯丁家溝煤窰六處每處納

稅銀十七兩零籤掣旗人承領票張試採去後旋因

營盤溝創無煤斤依線尋至營盤溝之西南山坡得

有煤硎臣派員查無開擬咨部給換票張隨於嘉慶

二十一年閏六月間接准部咨內開奉

上諭工部奏駁吉林於營盤溝相連山坡開採煤窰一摺所

駁是吉林前經奏准開採煤窰六處其缸窰等五處產煤

豐旺已足供旗民日用之需至營盤溝一處試採無煤應

照例題請封閉乃於相連之西南山坡換給執照易啟影

吉林通志卷四十一

十三

射朦混之弊著即封閉執照繳銷以符定制其缸窰等五

處稅銀著於開創之年起納欽此欽遵咨行前來臣因營

盤溝一帶村屯甚多附近二百餘里山木砍盡距缸

窰等處道路遙遠挽運艱難冒昧瀆請仍於營盤溝

之西南山坡開採於嘉慶二十一年間奉

上諭富俊等奏營盤溝西南山坡煤窰仍請照舊開採一摺

吉林產煤處所已准開採缺窰等五處其營盤溝一處試

採無煤復於相連之西南山坡開採經部議駁降旨令其

封閉該將軍等又復陳請開採吉林少此一處煤窰於旗

民生計有何妨礙所奏不准行富俊向於公事好固執已

見著傳旨申飭所有西南山坡煤窰仍著封閉不准奸徒私採該將軍毋得再行瀆奏欽此欽遵飭將營盤溝相連

西南山坡之煤窰封閉在案賴有缸窰等五處採煤

豐旺足資生計臣調任

盛京後缸窰波泥河胡家屯丁家溝四處煤窰均各坍塌出水於嘉慶二十三年經前任將軍松霖具題封閉亦在案僅有田家屯一處照舊開採是年冬臣復調任吉林到任後據承領票張各旗人呈稱缸窰附近之荒山子胡家屯附近之三道溝田家屯附近之下二台等三處均有煤線情願開採納稅等因臣派

吉林通志卷四十一

十四

員查勘屬實均無關礙開明四至界址於嘉慶二十四年咨請部示續經工部咨覆不准開採當即示諭封閉在案伏查從前營盤溝一處封閉原無妨礙今復封閉四處僅有田家屯一處不能運遠柴薪日益增價旗民生計未免拮据查

盛京自乾隆四十年開採煤窰行之已數十年旗民樂

利吉林未能一體仰沐

天恩未免向隅臣深荷

聖恩俾以地方職司教養事關旗民生計不敢避冒瀆之罪所有該商等呈請開採荒山子等三處暨西南山坡

旨如蒙

一處可否准其開採之處謹據實奏聞請

俞允臣照例將各窰四至清冊咨報查覈仍於開創之年

納煤稅為此恭摺具奏伏乞

皇上聖鑒訓示遵行道光元年正月初八日奉

上諭富俊奏請吉林開採煤窰一摺富俊從前兩次奏請於營盤溝西南山坡開採煤窰彼時吉林地方已有缸窰等五處煤窰足供採用是以奉

旨斥駁茲據奏缸窰等處煤窰近已坍塌四處僅餘田家屯一處所採煤斤不能及遠旗民日用所需未免缺乏自係

吉林通志卷四十一

十五

實在情形著照所請荒山子三道溝下二台及西南山坡四處俱准其開採其煤稅於開採之年照例起納該將軍仍嚴密稽查所有承領票張試採之人務各約束安靜如有奸徒藉端生事惟該將軍是問欽此

光緒六年五月十九日將軍銘安奏為吉林人戶日繁柴薪難繼擬請試開煤窰酌抽釐稅以裕

國課而利民生事竊照吉省旗民各戶向係伐木炊爨

溯自嘉慶二十一年經將軍富俊奏准開採荒山子等處煤窰三座收納稅課應辦有年嗣於同治七年將軍富明阿續請試開火石嶺子等處煤窰七座當

奉戶部議覆以吉林地方伏莽未靖增設煤窰開採之始必多集丁夫其中良莠不齊難以稽查且圍場禁山地脈相通恐於風水有礙奏請一並封閉臣竊以爲政在養民不外就地興利事關籌餉尤貴因時制宜近來吉省生齒日繁人煙稠密山木愈伐愈遠挽運維艱價值日昂居民日用所需多受柴薪之累若不開採煤斤以資民用則數十年後柴薪愈見稀少炊爨倍覺艱難本省煤窰只有三座所產無多不足供通省之用臣前奉

廷諭經費一層該省如有籌辦之處亦應實力籌辦等因

吉林通志卷四十一

七

欽此卽以開採煤窰利益民生抽收課稅曾經附奏在案正在體察籌辦間於五月初一日准工部咨開監生尙宗錡等呈稱查吉省葦子溝等處盡屬荒山煤苗透露堪以開採均距省寫遠並無礙於風水情願自備工食僱覓本地居民前往開作等語本部未便據呈率准相應咨照迅卽委員按照呈稱各處詳細查勘等因咨行前來復據本省民人董琦等先後具呈亦以試開煤窰照章納課爲請伏思煤窰之開下便民生上充

國課利益實屬無窮前任將軍均已籌議及此而戶部

中國少數民族古籍集成（漢文版）

吉林通志

合頁類·政升錄

〇〇九

以地方未靖誠恐奸宄潛蹤藉端滋事奏請封閉所慮不爲不周第近來勦辦馬賊大股現已肅清金廠渠魁以次勦滅而五方流民謀食遠來勢難盡行驅散若使無處謀食仍恐相聚爲盜儻試開煤窰則無業窮黎皆可趁工餬口自能化莠爲良於地方似有神益查吉林煤窰納稅舊章每座只收稅銀十七兩六錢零八釐現值庫款支絀之時百貨均有釐捐煤斤自應照辦擬請勿庸交納舊定稅額仿照現辦釐貨章程其賣中錢一吊抽收一十文所取無多該商斷無不從之理如果煤苗暢旺自必稅課豐盈不但火食有賴柴價自平商民同霑樂利而抽收稅課亦可稍濟餉需如蒙

吉林通志卷四十一

七

俞允再由臣等遴派妥靠委員分赴各處詳細查勘果係煤苗透露堪以開採於圍場處所禁山風水均無妨礙擬飭將煤窰四至繪圖呈遞再當妥議章程奏明辦理奉

旨知道了著照該將軍等所請試行開採惟當認真經理毋任滋生事端一切詳細章程仍著妥議具奏欽此七年二月初七日將軍銘安奏爲試開煤窰酌擬抽收釐稅章程事竊臣等前因吉省經費支絀擬請試

開煤窰抽收釐稅以裕餉源於光緒六年五月十九日具奏奉

旨知道了著照所請等因欽此臣當卽遴員分往各處查

勘去後旋據知府周炳參領富魁查明石碑嶺大章

子溝二處同知毓綬防禦德祿查明杉松之泥球溝

子一處同知芝慶雲騎尉慶徵查明鍋盔頂子一處

雲騎尉恩永查明柳樹河子一處均各顯露煤線煤

苗豐旺堪以開採且與禁山廬墓風水毫無關礙取

具山主四鄰情願招商甘結繪圖貼說加結具報前

來臣等當派協領富爾丹知府劉光煜等秉公招商

吉林通志卷四十一

六

詳擬抽釐稽查章程茲據稟稱酌擬按照具呈招得

商民李萬福等承採石碑嶺煤窰張際庚承採大章

子溝煤窰楊茂齡承採杉松之泥球溝子煤窰田柏

州承採鍋盔頂子煤窰尙昌荏承採柳樹河子煤窰

共新添五座連舊有三座共煤窰八座查吉省煤窰

納稅舊章按年每窰僅收稅銀十七兩六錢零八釐

此外別無輸納現存籌餉之際擬請舊窰停納稅銀

與新窰一律抽釐以二分爲額如賣中錢十吊納釐

稅錢二百文買賣各出錢一百文其買主應納之錢

責成該窰就近扣留以歸簡易卽於開創之日起徵

由工司發給新舊各窰蓋用關防大小賬簿用完許

其隨時赴司關領不准私立帳簿以免蒙混如有前

項情弊及偷漏等事一經查出從重懲辦其經理抽

收釐稅及隨時查覈等事應委委員設局經收以專

責成而免遺漏請派協領一員會同工司掌關防協

領總司其事再派佐領防禦筆帖式等官承收釐稅

至於冬令煤斤暢行之時卽派該佐領等前往各窰

巡查帳目所收錢文按春秋兩季彙總交庫惟既設

局承辦該官吏等日需工食心紅擬請仿照吉省釐

稅章程提出一成作爲官吏心紅工食其九成存庫

吉林通志卷四十一

九

以備提撥所招承採商戶均係土著殷實陳民取有

切保惟煤窰聚集挖夫人數眾多非商人所能約束

應札飭總理等官稽查彈壓如該煤窰工恃眾滋事

卽將該商執照追繳另招承採等情稟覆前來臣等

詳覈該協領等所擬章程尙屬妥善卽派花翎協領

富爾丹掌工司關防二品頂戴花翎協領金福總司

其事督飭佐領筆帖式等認真稽查照新章抽收盡

數呈交已於光緒六年十一月十八日出示曉諭日

起新舊各窰一體遵照新章交納釐稅如此量爲變

通較之從前定額奚啻倍蓰似於餉項不無小補

辦之初稅收多寡難以豫定擬俟試辦二年後體察情形再行酌定正額奏明辦理臣等仍不時密派安員周歷巡查儻有影射偷挖鉛礦等弊將該商照例治罪即時封閉以昭慎重奉

旨該部知道欽此

七年八月十二日將軍銘安附奏再前因吉省經費支絀擬請試開煤窰抽釐裕餉當經酌擬釐章奏明招商試開石碑嶺等五處煤窰暨酌改舊有煤窰從前課章與新添煤窰一律派員稽查抽收釐稅等因在案茲據商人徐維明等呈稱續報大石頭頂子等

吉林通志卷四十一

三

五處均有煤線堪以開採等情當即派員分往各處勘驗去後旋據防禦春和查明大石頭頂子煤窰一處同知李喬林佐領占祥等查明陶家屯亂泥溝子煤窰二處知縣傅楨防禦春和查明二道河子煤窰一處均各顯露煤線堪以開採與禁山風水實無關礙取具山主四鄰情愿招商甘結繪圖貼說加結具報前來臣即飭總理煤釐事務協領富爾丹掌工司關防協領金福酌覈招商茲據稟稱招得商人徐維明承領大石頭頂子煤窰張福永承領陶家屯煤窰董起發承領亂泥溝子煤窰劉運符承領半拉窩集

溝煤窰韓受德承領二道河子煤窰所招商民均係士著殷實陳民取有切保等情稟覆前來臣查吉省煤窰新陳八座連今續添煤窰五座共有十三座所有續添試採煤窰稽查抽釐等事前既擬定章程自應統照新章一律辦理奉

旨知道了欽此

九年正月二十四日將軍銘安附奏再前因吉省經費支絀擬請試開煤窰抽釐裕餉當經酌擬釐章奏明招商先後試開石碑嶺大石頭頂子等十處煤窰既酌改舊有煤窰三處從前課章與新添煤窰一律

吉林通志卷四十一

三

派員稽查抽收釐稅等因在案茲據商人劉振東尙宗錡具呈續領荒山子長嶺子二處煤窰均見煤線堪以開採等情當即派令縣丞繆誦芬佐領花里雅遜勘驗荒山子候補巡檢高曾蔭騎都尉德凌阿勘驗長嶺子等處去後旋據稟稱該二處煤線顯露堪以開採與禁山風水實無關礙取具山主四鄰情愿招商甘結繪圖貼說加結具報前來臣即飭總理煤釐事務副都統銜花翎協領富爾丹掌工司關防二品頂戴花翎協領金福等酌覈招商茲據稟稱續招商民劉振東承領荒山子尙宗錡承領長嶺子等二

處煤窰均係土著殷實陳民取有保結等情稟覆前

來臣詳查吉省舊有煤窰三座先後續開十座內有

陶家屯張福永呈報無煤另行照例題封外連今新

添煤窰共十四座所有舊有續添試採煤窰稽查抽

釐等事仍照前擬成章一律辦理除將原查煤窰委

員送到甘結及商人年歲籍貫咨報戶工二部查照

外所有續行試開煤窰照章抽釐緣由謹附片陳明

奉

旨知道了欽此以上俱摺檔

本省奏准商領開採煤窰按年春秋兩季派官二員

吉林通志卷四十一

三

分往江東江西兩路各窰抽收煤稅照依官發賣煤

帳簿覈算每一吊錢抽收稅錢一十文其每季抽收

釐稅數目移交戶司歸庫

工司官册

吉林通志卷四十二

經制志七商務

通商局光緒十一年設專司吉林與朝鮮通商之事

稍改市易舊例准其隨時交易以示優待屬國之意

所定貿易章程與各國通商章程兩不相涉以事體

本不同也局在琿春城西南二百五十五里和龍峪

地方俗呼大砬子

南接朝鮮會甯府界圖們江派員督理

商務督理委員一隨員一原設二員裁一朝鮮通事二名原設

英文繙譯一俄通事一均聽差六名

光霽峪分卡在圖們江北岸南接朝鮮鍾城府距琿

吉林通志卷四十二

一

春城二百餘里司事一名

原設司事通事一名聽差

四名原作廳差

西步江分卡在琿春城西二十里西界朝鮮慶源府

接俄新界司事一名

原設司事通事一名聽差四名

兩國邊界敦化縣南與會甯鍾城琿春與慶源互相

往來貿易其稽察之事各按邊界定律辦理

通商章程第一條

如有商民欲入內地採辦土貨以及游歷者可照天

津所定章程第四條辦理惟欲西入奉省較近

宗陵寢重地東入俄者概不准填給執照並不准由本國地

方私結他國商件至開市地方違者嚴懲^{第二}

甯古塔與會甯庫爾喀與慶源市易舊例一律停止

此後貿易均照新定章程辦理^{第三}

徵收稅課除紅漫外均值百抽五只交納正稅一次

均不重徵子稅貨物報關驗單照章納稅不得額外

需索商民出入驗照放行不准稍有阻難^{第七}

商民貿易使用金銀應與隨身衣服行李筆墨書籍

所騎馬匹均准免稅砂金礦銀入市銷售原同貨物

與葉金條金飾寶銀定銀碎銀等項爲市間行用

吉林通志卷四十二

二

例得免稅者不同應按值百抽五照章納稅吉省亦

照奉省辦理惟琿春及慶源各城民間購買物件多

不用錢而用小布與錢無異如非車載駝運每捆百

匹者免稅^{第八}

朝鮮商民欲入吉省採辦土貨先由地方官給發執

照由稅局按照蓋用關防加給護照吉林商民亦用

此例執照內均先聲明何處地方何項貨物出關入

關時呈單查驗蓋用戳記如攜帶私貨查出入官^{第十}

洋藥土藥與軍器嚴禁販運售賣違者照天津章程

辦理朝鮮紅漫例准帶入中國吉林民種秧漫亦經

本省奏明與藥材併准徵收稅課運販他處此項稅

漫運販出關與紅漫一律辦理按價值百抽十五貂

及狍獐獐等皮舊例禁止現在開禁以通一時有無

其餘蔬菜瓜果鷄鴨鵝魚以及瓦木零星器具民間

日用所需照奉天一律免徵^{第十三}按原定章程^{十六}今節錄

光緒十年通商大臣李鴻章吉林將軍希元奏竊維

吉林與朝鮮商民貿易章程前經^臣等嚴定會奏已

由總理各國事務衙門戶禮部會議覆奏奉

旨依議欽此欽遵當即陳明候將刷還流民及酌撥防軍

一切事宜議定後派員前往開市貿易以昭慎重近

吉林通志卷四十二

三

據琿春副都統依克唐阿咨報俄人與朝鮮有陸路

通商之議朝之慶興府與俄鎮兩處人民彼此往來

蹤跡甚密等因朝鮮向來孱弱近因國中滋衅曾爲

日人所逼今俄又設此謀以暗撤朝鮮之門戶恐該

國受其愚弄貪一時小利貽他日隱憂此其漸不可

不防爲今之計惟有將吉林與朝鮮通商事宜亟爲

舉行於招攜懷遠之中寓先發制人之意庶可以阻

敵謀而定民志^臣等往復咨商意見相同自應遵照

前次奏定章程派員督理商務以專責成

詔從之

又奏吉林與朝鮮互市貿易前經議定通商條款勘明朝鮮會甯府對岸和龍峪設立總局慶源府對岸西步江爲彈春所屬毘連俄界設爲分局又鍾城對岸光霽峪設爲分卡揀派委員督理商務先後由吉林將軍會奏聲明該局卡每年應用經費由_臣另行具奏在案茲准吉林將軍咨稱和龍峪等處通商非若奉省中江關與朝鮮義州相近者可歸地方官兼轄必須多派員役稽查且地接俄界時有函牘往來亦應酌用繙譯通事今擬和龍峪總局用督理委員一員隨員二員英文繙譯一員朝鮮俄羅斯通事各

吉林通志卷四十二

四

一名司事四名書識二名聽差六名西步江分局委員一員司事二名書識一名通事各一名聽差三名光霽峪分卡委員一員司事通事書識各一名聽差二名刊發總局木質關防分局卡木質鈐記各一顆以昭信守其委員繙譯通事司事聽差應給薪水工食暨新設局卡應各修建房屋並各造大號渡船一隻需款浩繁吉林無款可籌咨請查照前案由_臣覈奏等因前來_臣查和龍峪等處甫經辦商務地方荒僻百物昂貴迥非內地可比且時有與朝鮮俄羅斯交涉事件一切因公支應難以預計查原訂朝鮮

貿易章程載明商務委員應用經費歸於自備從前館宇餉廩芻糧迎送等費悉予罷除既已禁其供億自應從寬酌給薪資以資辦公除應行建造局卡房屋渡船雇用水手置備器具等項據該將軍咨稱擬由吉省公款內先行借墊銀一萬兩發交督理委員承領估辦俟事竣覈實造報外所有委員繙譯等項薪水工食應由吉林將軍覈定數目給領分咨查照其心紅紙張及一切因公用款應由督理委員撙節動支按年造冊詳請將軍咨報總理衙門覈銷此項經費吉省既無另款可籌應請援照朝鮮商務委員

吉林通志卷四十二

五

成案暫在出使經費內動用就近由山海關撥結在洋稅應解出使項下滙撥銀三千兩解由吉林將軍就款覈實撙節支發按年奏銷仍俟試辦三年後彙覈所收進出口稅項能否足敷各局卡用度不致再動出使經費屆時察酌情形會商具奏十四年通商大臣李鴻章吉林將軍長順奏吉林與朝鮮互市貿易於和龍峪西步江光霽峪分設局卡派員經理應需經費前經_臣等奏准由山海關出使經費項下按結撥銀三千兩聲明俟試辦三年後彙覈所收進出口稅能否足敷局卡用度再察酌情形會